

有正味齋全集

和
895
4



正味齋詩集

正味齋詩集卷十三目錄



錢塘吳錫麒聖徵

韓江集

姑蘇道中四首

梁溪雨泊

曾賓谷都轉招遊湖上

蠶豆二首

題顏運生崇集明府聽泉圖

大學士章佳文成公挽詩四首

集翁羽齋同賦園蔬五首

茭白

豇豆

茄

冬瓜

題陳師竹夢遊圖

曉過蓮性寺

康山草堂聽姚生彈琵琶歌同曾賓谷陳理堂黃相圃

蔣師退詹石琴胡香海張又錢彭年何豈匏錦徐朗

齋家蘭雪作

瓜洲登大觀樓二首

題黃陶庵先生手跡并序

八月十八日謝蘇潭方伯及昆祀秋濤宮禮畢招同人

樓上看潮小飲并送劉澄齋翰林錫五北上即用方

伯原韻二首

松江晚泊

風信

秋江吟

游鐵佛寺

過九峯園訪家山尊孝廉

思雪用坡公霧豬泉祈雪韻同賓谷作

郭外探梅

大行太上皇帝升遐恭輓四章

題費筠浦中丞溥甘雨應祈圖

題沈鏡湖溪寒山採芝圖三首

伊墨卿刑部秉綬出守惠州道過維揚詩以送之

題魏春松官舫待膳圖并序

秦瑯邪臺碑拓本顏運生屬題

哭羅兩峰二首

有感二首

聘鶴篇并序

贈張蓬樵二首

女兒酒歌同詹石琴黃貴生和章俞聽夫因鑿郭蘭池

琦金手山學蓮蔣山微蔚作

寓鶴篇并序

雨中過雷塘二首

王潔菴司馬明招同人泛舟紅橋治具于桃花庵飲陳

古華太守還松江卽席同用金手山留別古華韻

江孟卿郎中士相招集爭香園再用前韻

余以事歸析與陳古華蔣蔣山金手山聯舟就道及過

丹陽三君因訪徐惕庵比部大榕先之毘陵翌日余

追及之飲于鹿枝山房酒後同遊東坡艤舟亭三用

前韻

夜泊望亭聞吳歌有感四疊前韻

舟中贈手山五疊前韻

送謝蘇潭前輩巡撫粵西二首

秦小峴廉訪濂招遊西溪二首

梅花嶺拜史閣部墓

題唐陶山明府仲冕蘭征集

梁溪雨泊

易得逢春雨旋催繫晚船溪流渾欲漲
暝色不知煙作客悲今日懷人夢隔年
在山泉最好茗酌待流連

曾賓谷都轉煥招遊湖上

清氣今朝滿薜蘿鷗鳧如逐使君過
冶春未換詩人局明月先催水調歌
畫許臥遊搖艇入山容平視隔江多
歐蘇一例同民樂莫負東風避綺羅

蠶豆二首

評量蔬料稱山臞晚筍初櫻與爾俱
畫本幾花宜水墨詩人一味足風爐
剝經纖手香于繭漉過微湯碧似珠
不是太常齋日慣腥羶也合罷行廚

翠莢離離老夕暉吳蠶眠過故園違
罷繅舍北人誰餉得種山

南我便歸配有邨醪清更旨攬來田飯綠能肥一棚最憶蛾眉

樣立徧西風露滿木扁豆一名蛾眉豆

題顏運生明府崇槩聽泉圖

泊然神畢靜傾耳在前岑翠雨落於頂石絃清到心半空回鶴
夢一席洗松陰浩浩風雷助蛟龍起蟄吟

大學士章佳文成公挽詩四首

中台夜半圻星精靈瓊秋寒薄海驚無日逍遙容綠野此身關
繫在蒼生立朝儼若神明接說士甘如肺腑傾一掬西州門
外淚故應知已不勝情

相業艱難百戰中鷹揚元老幾人同兒童一口稱君實福命千
秋替令公蹴鞠軍前皆紀律橐鞬帳下亦英雄易名如見臣心
事誠意陽明與較功

纔回北轍又南轅到處甘棠接蔭繁出塞歌豪吹角和摩崖字
大帶雲捫英姿褒鄂三圖閣世業韋平再授孫底事王封誇異
姓祁連高冢幾黃昏

招延東閣荷恩私煥講常逢退食遲吳語不嫌談劇後丙茵常
恕醉歐時江湖回首悲何極戎馬驚心事正危祖德也知難盡
述但期忠孝兩無虧

集翁羽齋同賦園蔬五首

茭白

天然替筍後亦擅菰筍名星星萍點開采采踏浪行青青兩頭
束壓擔葉有聲頻年引歸夢不待秋風生南湖一畝田梅雨十
日晴香茅屋須葺臥聽茭雞鳴

豇豆

裊裊沿竹梢斑斑絡棚底野人成把縛初出風露裏酸鹹一試
之風趣亦云美田飯就風涼軟嚼稱饒齒平生食薺腸疎瘦頗
類爾學書笑蛇蚓紆佩愧青紫

瓠

託根東吳中園園長柄挂枵然頗自負五石容不隘江湖期其
濟跋涉吾已憊秋風甘澆落架漬涼雨敗但取出沽提莫更依
樣畫殘楮半閑堂押角字如畫

茄

葉密棲晚蝶帶長抱新蟬徐熙工小筆畫在斜陽邊荒陲復斷
井何人灌清泉我羨蔡吳興獨種官齋前朝來下鹽鼓飽飫風
與烟取贍樂今歲營嫁仍明年

冬瓜

落帆古堰畔繫榜江步餘抱甕人不來一痕枕沙虛誰知冬心
託能使熱惱祛貧家謀旨蓄可脯亦可菹願肆齊民術願補長
柔書捫腹有餘飽疾不愁河魚

題陳師竹溪夢遊圖

鸞鳳聞咫尺樓閣見分明雲舞有花態月流如水聲已知三島
近不礙一橋橫直踏鯨魚去羣仙抗手迎

人羨凌虛步吾欽有道顏酒風吹綠髮詩格老青山何日采芝
往偶然催夢還塵緣拋不得惆悵畫圖間

曉過蓮性寺

莎徑引涼屣到門風氣清雲飄一磬人霞洗幾花明慢水忘喧
寂閒僧謝送迎但來參淨旨熱惱未由生

康山草堂聽姚生彈琵琶歌同曾賓谷陳理堂黃相

圃蔣師退詹石琴胡香海張又錢何豈範徐

閔齋家蘭雪

此堂自昔賓客多此堂慣聽琵琶歌三百年前武功佳豈意載
酒今朝過是日無雲火輪熱那得炎天飛白雪微涼暗激檀槽
生漸有陰蟲吟切切素桐之木三尺修腹中滿貯人間秋破空
突下冰雹碎出塞亂撒風沙愁官商拉雜當筵奏疑是康家弦
索舊平生恩怨訴分明慘淡聞呼對山救繁音入破林壑哀腰
鼓百副喧如雷蕭蕭豪氣被草木好風如送先生來滿堂坐客
更衣起默默無聲心似水豈是今人愛古人讓與青山名不死
卽今關隴賊未平請君換唱從軍行銀河倒挽洗甲兵將軍凱
樂大宴成曲終一吸三百觥大笑文士徒虛名醉魂欲挾鐵騎
去霹靂手拓弓弦鳴

瓜洲登大觀樓二首

振衣臨百尺，獨自賦登樓。草木三山接，風烟六代收。峭帆爭空闊，落日與淹留。倒影蒼茫入，魚龍在上頭。天塹由來險，千秋事已過。江山洗兵馬，舟楫定風波。豈有登臨感，徒傷鬢髮皤。禪樓招隱近，夢寐託烟蘿。

題黃陶庵先生手跡

此先生丙子赴應天鄉試所作也。是歲仍失解歸，詩中有擊楫知誰是，洪濤日夜聲。平生出處意思，與曩賢盟之句，其志可見矣。

斯人能不死，當日尚諸生。遙憶吟詩處，如聞擊楫聲。中原甘盜賊，大節殉科名。莽莽山川在，回頭碧草橫。

八月十八日謝蘇潭方伯敬昆祀秋濤宮禮畢招同人

樓上看潮小飲并送劉澄齋翰林錫五北上卽用方伯

原韻二首

蓬萊一老領仙班，樓閣真同島嶼攀。小海迎神雙節下，大江對面萬山環。水犀強弩蒼茫外，白馬洪濤想像間。我豈祠官襄祀事，亦叨飲福昨先頒。

置身俄在雪山巔，爭得豪情狎水仙。浩蕩儘觀鷗鳥跡，別離仍望鯉魚筵。登瀛約侍和章雄驅文陣蟠胸底，涼送秋心到酒邊。後夜相思應有夢，潮平月落一江圓。

松江晚泊

壑峰巖巖澹斜暉，遠引輕帆渡口歸。鷗鷺舊盟千里闊，蓴鱸秋水一江肥。幾人大隱留雲壑，此地高名重布衣。內史村邊屢回首，愁聽唳鶴破烟飛。

風信

關河落木漸蕭森日暮登樓感不禁
警雁一霜寒楚澤和蛩千
杵響吳砧儲胥道路方辛苦
烽火江山太阻深幾字相思懷袖
裏祇應鄭重故人心

秋江吟

昔歌春江曲今唱秋江吟本同一江水
蕭瑟愁人心憶君三月
去飛花復飛絮日夕西風生鱸魚催下箸
昨夜夢尋君飛渡瀟湘雲瀟湘人
不見兩岬猿聲聞淒淒不能已江上
波旋起一片峭帆來搖曳蒼茫裏
玉管與金絲微聞勸酒卮一催木葉落
再喚銀河低不愁絃柱促但怕天雞
續千里洞房深寒縮秋燈綠
蘆花易白頭獨自守沙洲可憐
鴛鴦侶爭逐暮潮流水流終有
會衣結難忘帶消息望書通
鴈已青山外逡巡復逡巡風雨歇

前津芙蓉何處采還問涉江人

游鐵佛寺

寺在楊行
密故宅

三十六英雄蟲沙轉眼中劫灰寒入地
鈴語恐飛空閱歷徒華
屋莊嚴尙梵宮黑雲吹不到鴉陣各西東

過九峰園訪家山尊孝廉

愛汝讀書處衝寒不厭過脫陰辭短晷
凍浦約微波歲晚憐
旅交深仗切磋爐灰談屢陷起與撥陰何

思雪用坡公露諸果祈雪韻同賓谷作

高隴生埃龜坼腹兩少還防雪不足不愁
今歲無衣寒最怕明
年無麥哭在野惟知望彼蒼此憂那不關
當軸連朝叵耐風掀
茅積煖翻愁霜殺菽使君苦念三白遲使
君先凋雙鬢綠山川
祈禱用圭璧甘爲蒼生再三瀆誠感有如
刀決泉玉龍衙衙出

重淵雲頭慘黑日影瘦半空欲放楊花顛頗聞巴蜀飛書急戍
卒年年荷戈泣鵝鴨聲中快洗兵歸耕大好逢春及飛翼先遣
送奇瑞宿液重煩醒羣蟄北斗天思酌酒漿東畬人喜添臺筮
重來說餅定忘疲軟嚼不用湯澆匙

郭外探梅

乍覺林香動先催鳥語頻雪痕纔欲霽烟意已能春近水停詩
般衝寒遇酒入園亭宜有主命民幾時親

大行太上皇帝升遐恭輓四章

鶴語堯年雪鳥號軒帝弓

仁恩周甲永痛哭普天同事業兼因創精神貫始終拓疆千萬
里咸頌

十全功

維

聖包無外如天覆不私直教三代共不使一民飢

宵旰勤何釋痾瘡隱獨知每闔

寬大詔父老共咨嗟

濟美

勳華盛欽哉紀丙辰老臣襄

授受

大禮極尊親

精一傳心語

元良繼體人

在天靈藉慰黜陟已如神

蓬死叨

殊遇回翔得自如遊曾偶鷓鴣歸許狎樵漁碎首情何補攀髯
路亦虛矢音留草在珍重紀
恩餘

題費筠浦中丞甘雨應祈圖

冥墨亂捲雲冥冥落筆暗送風冷冷開圖足使早魃走早有雨
氣生窓橋此雨乃出中丞賜此雨實感天公靈蜥蟬不呼鵝不
刑精誠念念通天庭飛符頃刻驅六丁阿香下喚癡龍醒太湖
捲起波濤腥作勢直欲移滄溟但令甦民氣不惜勞公形朝衫
濕帶靈雨零轉眼禾黍同一青豈無玉壺賞茅屋亦有莪袂眠
漁船江南江北萬萬戶歡聲可向圖中聽飯釜急須備枯樛從
此停坡公昔者名其亭歸功我公公勿寧所願民無天札田無
螟洗兵吏勒燕然銘北峙千倉萬箱盡藏足豐年作頌陳朝廷

我於草野請敬聆

題沈鏡湖漁寒山採芝圖三首

眉宇看君道氣濃和雲踏遍碧芙蓉靈苗自在龍耕處只認金
光一路松

莫誇瑤草當朝餐路到崎嶇採亦難石鼎雲封山雪大仙人土
日耐清寒

爭得揚州鶴可騎畫圖空有故山思何如夢裏東坡老一味雞
蘇軟嚼時

伊墨卿刑部秉綴出守惠州道過維揚詩以送之

五馬初聞出建章前旌已報到維揚豈貪飽喫東坡飯要去添
栽南國棠我

后經綸奮雷雨一時守牧策龔黃政成好附梅花使濃墨親題

寄草堂

題魏春松官舫侍膳圖并序

春松於嘉慶元年從 詔使讞獄 維揚既竣事適太公秋浦先
生自杭來得以上壽稱觴為一時樂事既而王程敦迫勿促還
京殊戀戀也越三年春松復來典 郡始得迎養太公于署中晨
夕承歡其樂有甚於曩日者暇出所畫官舫侍膳圖索題因為
誌其遭遇之榮而春松之當思所以報

朝廷之恩以慰老人之志者何如耶既賦是詩并題數語于首
綠楊城郭春風吹使臣昔賦四牡詩藕花六月蕪城地太守新
馳五馬至官舫稱觴別幾年老人 腰脚健於前二分月在清江
上依舊來尋上壽筵開圖風景從 頭憶尚惜蒲帆留不得一片
離心侍膳時杯中蕩作涼波色當年不慕陸賈裝于今但羨君

游囊江魚只恐無錢買堂上翻虛甘旨嘗古人養親能養志官
貧且作萊衣戲此生無愧忠孝身後世稱為清白吏津頭百丈
聲喧呼乘傳何人似此圖甘棠各路陰成處認得前程邵伯湖

秦瑯邪臺碑拓本顏運生屬題

一牢東祀齊瑯邪樂哉三月留翠華高臺突兀紀功德臣斯之
箴詞何誇上農除未富黔首同文齊軌鋤姦邪澤周牛馬各受
德南盡北戶西流沙 琢磨石骨鬱烟霧舒卷海氣蟠龍蛇想當
立碑峙雪表欲萬萬世長撐挈天風東來捲波綠倒陷石壁迴
金鴉蓬萊縹緲望不到徐福一去歸無家仙人不語山鬼語祖
龍竟返輻輳車臺空遺跡蝕風雨幾人別蘇重梳爬竹素山房
不收入字形莫辨毫釐差之采刻石亦此例苛論未敢同掄擲
卽如此拓意渾古洪 鐘強弩來非夸

唐李嗣真云斯篆之精古今妙絕如秦
望諸山及皇帝王聖猶于鈞強弩萬古洪

鐘臨摹光怪逼眼底失笑十指同薑芽泰山沒字殊自好免使
伸紙生咨嗟

哭羅兩峰三首

論交二十載南北合還分豈意帆歸里俄驚雁去羣酒杯拋昨
日世事畢秋雲夢裏能相見休教落葉聞
相國周中會年年賦海棠夢堂相國植海棠堂海棠最盛每歲花時必招集其下青山猶未買綠野
已全荒知己今誰是斯人又永傷聊憑無賴月舊事一思量
狂哆談詩口豪揮賣畫錢一龕依古佛隻眼看青天海外名尤
重門中藝並傳梅花三百樹應結後身緣

有感二首

高蓋秋荷熱儀鸞衆蘇蠶鬢危身因象齒託世只字毛寂寞甘吾
輩聰明誤若曹後人增太息卽事眷微勞

威福寧谷竊一朝廷自有權不防等筆驛盡耗度支錢軍實竟
何補民生困可憐翻勞

恭儉主顧勉策安全

聘鶴篇有序

陳古華太守家畜雌鶴一因來揚州於賓谷都轉題襟館中擇
其一牡者請以爲配主人笑曰吾今爲鶴聘婦矣遂邀同人作

聘鶴篇

華亭之鶴騎不來揚州之鶴載欲回足經月老紅繩繫粧待仙
人綵筆俾陳侯舊擅清名久有鶴惟留一琴耦江湖幾日憶羈
雌物色今朝到羣牡秋生東閣月華明一語如堅秦晉盟孔雀
屏前分燭影鳳皇臺上起簫聲簫聲燭影遲清唳銜戩如無主
人惠故侶猶教守宋株高軒特許稱齊贅橫江東去西風便羽

衣編袂吹翩翩堪陪園苑三千客不費銀河二萬錢那無鳩婦
林中歎那無雁壻天涯慣爭教兒女卜青鸞亦有郎君嘲碧鶴
三珠樹好幸相依此地年年有夢歸客與主人同汝壽我來腰
筍奏南飛

贈張蓬樵問來二首

得見張公子頻聞論慨慷時方重經濟氣已溢文章巴蜀辭軍
戍江湖入壻鄉午橋莊賸在喬木鬱蒼涼
伯仲西南北天涯各酒杯感秋重聽雁落日罷登臺老我成衰
鬢憐君亦霸才夢中關塞近踏破亂雲回

女兒酒歌同詹石琴黃賁生郁章俞聽夫國鑑郭蘭池

琦金手山學蓮蔣蔣山徵劇作

越州女兒顏如花越州之酒濃如霞女兒未嫁酒先熟不知遣

嫁當誰家門前若耶溪水綠溪上栽花多繞屋歲歲開花得幾
回年年釀水須千斛一朝買紅纏酒缸平頭奴子肩羊腔斟來
鸚鵡杯還兩暈向芙蓉臉亦雙女兒顏色花能替照入酒卮花
更麗市上惟爭姘女錢壚頭那管相如壻垂楊三月青旗橫飛
絮飛花吹滿城一片迷離春莫辨人間傳遍女兒名我來問渡
西興口名士惟貪過江酒醉看滿眼越山多可似女兒了髻否

寓鶴篇并序

桂堂太守自揚州載鶴回仍留吳縣唐陶山明府仲寬署中無
錫華某為繪寓鶴圖屬余復作寓鶴篇以紀其事

在時此鶴為贅壻今者此鶴為寓公雲水不無感寥落雌雄胡
乃分西東陳侯大笑身本寄爾亦何須嘆留滯翱翔難望雲中
君羈棲且閱人間世主人居官清且賢芭蕉萬葉廳事偏主人

高吟爾能舞主人退食爾自眠秋風無聲露微滴一夢蓬山健
雙翮醒來斗柄插簷端倒瀉琴牀月華白玉宇瓊樓夜未闌莫
疑謫墮欲歸難且憑主客圖中賞曾作神仙眷屬看神仙指日
前緣續迎爾高軒來不速乾侯詎應鸚鵡謠敬仲終諧鳳皇卜
華亭此去接吳波賃廡能容幾載過但得因緣成就汝聲聲應
唱感恩多

雨中過雷塘二首

寂寞荒溝細水流獨行吟到書中秋不堪殘柳絲絲外猶有青
旗舊酒樓

鐘聲遠寺隔蒼茫滅沒寒蕪一徑荒落葉也隨人意遠秋風秋
雨過雷塘

王潔菴司馬明招同人泛舟紅橋治具於桃花庵餞陳

古華太守還松江卽席同用金手山留別古華韻

青銅照我非少年萬事過眼如雲烟揚州之夢亦偶耳隨風吹
落紅橋船搖搖人影玻璃天荷葉更比荷花妍中間魚戲不知
處冀東涼直通西邊茅庵水次到尤熟早有衲子迎門前桃花
看過三十載一悟豈要文字傳世緣但恨解脫晚旅鬢空受沙
鷗憐江天茫茫江月白送客請罷琵琶絃爲君高唱歸朝篇那
容嬾散稱神仙麴生風味如可戀乞郡惟當乞酒泉

汪孟卿郎中士相招集淨香園再用前韻

樓臺金碧思昔年喬木已自生蒼烟荒波一道側槩入撥開菱
葉來停船鷺鷥遊客飛上天涼雪點破秋容妍蜀岡仰睇我曾
到過江山色齊欄邊讓君跋馬去高頂舊事細訪千年前時陳古
華沈小
棠聯騎遊平山
堂薄暮始返
夕陽冥冥影倒落松聲并作吟聲傳折花行酒前例

在美人不見徒生憐奚囊收拾新句好幸有山水忘管絃歸來
鵬我酬新篇夏摩頰骨苦不仙願與佳人同一斗渴懷有似驥
奔泉

余以事歸杭與陳古華將蔣山金手山聯舟就道及過
丹陽三君因訪徐惕菴比部大裕先之毘陵翌日余追
及之飲於鹿枝山房酒後同遊東坡艤舟亭三用前韻
水程秋夜如小年擁衾燒短蠟燭烟故人分我清夢去片帆自
卸毘陵船銀河將曉未曉天牽牛籬落花搖妍相違一水逢亦
易君在鷺側吾鷗邊著鞭久已甘相後快意何必爭虜前三升
清酒幸我待千秋好句終誰傳不見東坡繫榜處至今草木人
皆憐大江東去高唱在豪氣拉雜生銅絃論文但論海外篇學
仙當學玉局仙扁舟今夜慧山道從公濯髮吟風泉

夜泊望亭聞吳歌有感四疊前韻

一歌白紵三千年蘇臺麋鹿游寒烟徒教清響管客夢僧鐘吹
落寒山船今夕何夕星滿天模糊鬢髻羣山妍美人魂魄疑未
死子夜唱出秋墳邊啞啞鴈歇雁叫後閃閃燈暗猿號前征夫
惆悵婆婦泣尚有幽怨當時傳竹枝頗訝巴峽聽水調足動吳
兒憐篷窗暗蕩秋氣入淒楚似夏箏琵琶我有廿四離騷篇能
和伯牙彈水仙折楊皇琴亦何取終當洗耳山中泉

舟中贈手山五疊前韻

憶昔別子長安年垂楊踈地搖新烟三秋不見見恨晚襖被喜
共西風船西風九月嶮稍天景物最數江南妍船頭斫鱗船尾
醉與子同夢蘆花邊子才未可千里限鬢欲度驪驪前白眼
或遭俗士謾綠髮豈受旁人憐探囊搜出肝肺語已聞日下先

流傳江湖偶然著此士終要清廟彈朱紘明年 詔奏凌雲篇
班生此行如登仙 國家有道恥貧賤出山知勝在山泉

送謝蘇潭前輩巡撫粵西二首

中丞

寵詔荷新頒福曜看移桂管聞黃菊香尤爭晚節蒼生命早繫
東山園題後樂垂千古詩走先聲壓百蠻不待船裝鬱林石今
番預要載書還

夢醒揚州歸思生恰來江上送行旌頻年只覺春風熟此去常
留湖水清騎鶴遊應嗤我悞驂鸞錄豈待公成

君王左右需賢急及早綸扉輔太平

秦小峴廉訪瀛招遊西溪二首

秋響落天際櫓聲如答之不知行曲折祇覺境迷離日上峰頭

早雲過竹裏遲人家雞犬放可解樂茅茨

颯然起寒色吹我蘆花風時誤渚禽自易明楓葉紅詩清流
水外僧老閉門中負負慚初約頭顱雪已同

梅花嶺拜史閣部墓

風雨如聞轉戰急精靈閃爍穹碑立嶺路斜通下馬尋墓門側
掩披蘿入閣部衣冠此地埋一坏碧葬最堪哀莫疑兵解平原
去原是前身信國來當時出撫淮揚地羣盜紛紛趨鳳泗大樹
聲名馮異呼長城氣勢英公倚卽教談笑領戎旂叱咤風雷闢
外專定可尅期除大憝豈容飛矢射承天一朝事去金甌裂眼
見京師遭喋血椒殿尸橫慘可知興湖髯墜嗟安說辛苦麻鞋
何處奔忽傳南渡共承恩龜茲自限朝廷小龍種居然帝子尊
偏安本是貪休暇流涕上書聽者怕誰能擊楫誓中流誰念渡

河呼半夜處堂燕雀共啾啾當軸猖狂阮馬儔一載紅羊餘壞劫千秋白馬禍清流東林報復護爭構密網生逃大悲呪把臂應無周幼平同心尚有黃公覆分闕蒼黃拜表行登壇旗鼓氣縱橫招賢特啟公孫館撫士如歸趙郡營騏蹄那不思馳逐蝸角豈知終局促臣子徒吟正氣歌君王偏唱無愁曲太平風景滿朝歡諧價西園盡得官竈下爛羊新應敕帳前青犢舊登壇昨聞中使良家選玉卮金鋪開別院燕子朝陳狎客箋桃花夜擁歌姬扇警報牀頭醉不知荒迷只自逐兒嬉徒誇鐵鎖橫江計會見銅駝埋棘時艱難獨仗嬰城守落日蕪城狐兔走運去難留豪傑心權分共掣英雄肘蜀岡礮火徹雲端百死寧消一寸丹苦語椎心慈母遠遺言埋骨孝陵難寒原莽莽沙沈鐵野火青燐互明滅慘淡雲黃自裹尸迷離草碧誰收血左牽弓刀

想像存梅花嶺上記招魂蛟螭勁氣千枝鐵冰雪寒香萬樹痕

新祠

昭代隆恩沐遺墨巡廊我重讀正論何須却聘書孤懷早入褒忠錄臨淮第宅幾人留珍重前朝土一邱賸有二分明月照感人翠羽話啁啾

題唐陶山明府蘭征集

轉餉嚴馳檄吟詩健據鞍卽教增閱歷那不痛艱難大將威方重蒼生淚未乾杜陵心事在紙上莫輕看

哭管齋曰四首

秋髡疎如此重教哭故人餘生留幸草一死謝勞薪苦坐酒星渴况逢詩國貧受辛應自笑畢竟爲誰辛
齊瑟凝塵滿千秋誤國工一瓢風樹外雙屐畫山中不遇真令

瘦何方問已聾但為天下士談笑自生風
黃金曾結客白璧祇投泥往事飄春夢勞生病夏畦此懷原慷慨
慨所往有提攜高義今成古浩巾賸涕洟
強作儒官出飢來欲問天浩歌消白日垂老殉青氈奕子詩猶
在招魂賦孰傳雞鳴風又雨地下更淒然

有正味齋詩集卷十三

有正味齋詩集卷十四目錄

錢塘 吳錫麒 聖徵

槐市集

淮上晤治亭漕帥 鐵保賦贈

曉行值大風

宿遷項王故里

景州謁董子祠

新城

題宋畫院供奉劉益梅竹山雉圖用少陵楊監又出畫

鷹十二扇詩韻

題家子華水部 文桂 豐樂溪圖四首

胡蕙麓明府 古墨齋詩并序

禮烈親王克勒馬圖 并序

錢擇石侍郎為曹慕堂宗丞畫古中盤五松圖乃乙未

春盤山扈 蹕時作也宗丞合嗣定軒侍御錫齡鏡

源農部 祝齡 出以屬題為賦三絕

驛柳四首次張船山檢討韻

題李載園明府濮陽策蹇圖 并序

七月七日汪靜厓庶子 學金 招集寓齋同效樂府體分

咏七夕故事得鵲橋

送何蘭生侍御 適在 出守九江

錢南園副使 書馬法時帆屬題

九月三日孫一泉孝廉 仲清 招同人遊西山

奉福寺飯畢遂上羅喉嶺

暮抵潭柘寺宿

姚少師庵

由潭柘寺後三里抵龍潭

晚坐延清閣望對面諸山

妙巖公主禮佛執三首

由師子巖歷十八盤至慧聚寺

化陽洞

還至戒壇登千佛閣望塞上諸山

戒壇古松歌

度花梨坎至奉福寺宿

歷遊三山大悲諸刹

由香界寺探寶珠洞

夜宿龍泉寺

山中夜話

盧師山尋秘處

摩訶菴

題唐子畏畫像

食菊花餅同味辛作

集亦有生齋分賦飲中八仙得李白

十二月十九日坡公生辰集汪靜厓芥室同用公集中

東坡八首韻

胡水部咏煥自號雪蕉因得元人雪蕉一幅即代寫照

屬余賦詩三首

題趙味辛尋山下築園

初拜國子監祭酒釋菜太學作二首

瑛夢禪寶畫山雨欲來風滿樓詩意吉止齋閣學繪索

題

分龍行五月二十日雨後集胡夢湘比部瓊齋中作

買春吟屋消夏咏繪爭得董羽出水龍圖

漢宮圖集謝蘇泉儀部振定知耻齋作

積雨三十六韻

六月十二日黃文節公生辰家山尊招集藤花吟舍瞻

禮遺像會者二十四人用公集中六言絕句一首分

韻賦詩余得後字

八月二十四日疏兩養母得

旨子歸紀

恩二首

石門道中

味莊觀察招集梅花書屋看黃梅花二首

有正味齋詩集卷十四

錢塘 吳錫麒 聖徵

槐市集

淮上晤冶亭漕帥 鐵保 賦贈

春風鼓角臨淮樓樓下拍天春水流使君新來領漕事影照春
 水心如秋威名颯颯驚草木官吏各有燃犀愁朝廷正供自有
 數所病額外多誅求酒漿未已簸揚急南箕北斗何時休留侯
 善為根本計此箸不借他人籌泰山之雲出為雨足紓我
 后東南憂千帆坐閱若無事談笑欲狎波中鷗得君數輩理軍
 國何用巴蜀勞戈矛即今休兵罷轉餉正要赤子瘡痍喜聞
 召杜已擢用早晚傳播輿人謳惜君荆樹被摧折四海知已無
 子由 謂令弟閻 虛堂燈火託夢寐我亦憶遠心如抽悲歡各自雜

子由

謂令弟閻

虛堂燈火託夢寐我亦憶遠心如抽悲歡各自雜

懷抱欲語恨不終宵留太倉濫竊吾豈敢兼葭待我歸來舟

曉行值大風

空樹響逾勁大星吹欲低春風最無賴客路况淒迷店遠飄燈影沙危陷馬蹄深閨寧解苦猶要夢遼西

宿遷項王故里

招魂何日返江東百二關河悵望中澤畔尙愁田父語樹頭如響大王風計違玉玦嗟奚及運歎金刀感亦同本紀一篇垂史筆莫疑成敗論英雄

景州謁董子祠

暮色荒祠月照藤披帷如見讀書燈純儒學信天人貫偏霸功羞楚晏稱英主求賢身不偶驕王折節道堪憑武罔猶動行人敬豈獨當年下馬陵

新城

滹沱河畔數行程五載重來眼倍明春水野塘花鴨煖夕陽高隴紙鳶晴人喧魚米墟纔散縣樂絃歌政已成笑我也如仁恕掾愛聽民說長官清

題宋畫院供奉劉益梅竹山雉圖用少陵楊監又出畫鷹十二扇詩韻

宛爾毛衣張文采矜異樣凝神視之久又若介士狀風塵日瀕洞安知意所向要其健鬪姿可敵中原將龍沙夢不還扇影謝天仗粉墨寫何年梅花春始王雌雄各自閒詎感風雷壯劉侯老供奉花石令心悵遊戲託神霄飛鳴羨丹嶂離之絹素間意氣乃道上

題家子華水部文柱豐樂溪圖四首

豐溪之水雲門來溪上桃花萬樹栽夕陽紅過隔溪去無數白雲攔不回

織槿編茅田有廬傍溪幾世樂同居夜來燈火相照處婦治絲麻兒讀書

絡頭葦索一牛耕翠色郊原雨乍晴田水不求人領會法法只自在山清

漬遍蒼苔壞壁昏百年泥爪尙留痕幽人日暮遠相訪鐘磬不聞僧閉門

仁義院在溪上石吳道中距十里畫里

胡董麓明府 古墨齋詩 并序

古墨齋者在宛平縣廳事之右明萬厯間邑令李于美蔭創構今邑令胡君蕙麓重建者也其稱古墨者以置李北海所書雲麾將軍殘碑故名按北海書雲麾將軍碑有三一在關中一在

楚中一在良鄉在良鄉者姓李氏名秀字元秀幽州人卒於開元四年葬范陽福祿鄉今良鄉爲唐固節縣屬范陽郡正其地也碑舊在縣學後爲校官裂爲柱礎旋復更去委之瓦礫中有粵人邵正魁聞人董鳳元者在經其地蹤跡得之以語李令輦致署中凡得六礎共存百八十餘字建古墨齋邀致名流賦詩紀事其始末具載黎瑤石民表所撰古墨齋記中後少京兆王惟儉復攜四礎之大梁殘破之餘更遭分析於是僅存二礎可辨者纔數十字矣武進胡君蕙麓來宰是邑篤志好古將謀重勒以還舊觀適翁覃溪前輩於吳門借得董文敏所藏宋拓殘本凡三百三十八字蓋猶在未作礎以前者爲摹一通俾之上石工既竣并葺是齋仿李侯故事邀余及諸同人作詩以落成之

海南一記舊曾聞今日齋成例策勲好事特傳新令尹殘碑能
識故將軍衙前打鼓花如錦屋裏論詩墨化雲爲政風流原合
爾瓣香只待後人薰

禮烈親王克勒馬圖歌并序

王爲

太祖第二子當國家開創時凡征葉赫烏拉諸部及薩爾濟
之戰王之功最著所乘克勒馬姿狀偉異腹下有旋毛如鱗甲
然蓋龍種也常時不受羈勒聞鼓鼙聲輒奮迅欲往惟聞人命
王甚愛之征伐多藉其力及王薨馬亦死順治間編修汪琬曾
爲作傳今王裔孫汲修主人復屬張船山檢討仿宋摹唐本昭
陵六馬中特勒驃者爲之圖而命其客劉瑞來徵余詩因作此
歌克勒馬者猶漢言乘驪馬也

翻空蹴踏塵沙外萬里風雲開際會妙手傳摹骨相奇全身收
東精神大 本朝開國佐者王披堅陷銳勇莫當威弧要指天
狼落樂府先歌臣馬良爾雲不是人間觀天降房精定諸部干
秋氣奪特勒驃一戰功收薩爾濟鐵蹄撒地聲如雷二十萬兵
同日摧風生鱗甲誰爭捷電捲蟲沙亦可哀歸來戰血渾身浴
聽到鼓鼙還奮足最愁都護絡頭絲但熟蘭陵入陣曲寒嘶暗
激山頂松夕陽聖水留遺蹤草頭過影真如鳥雲裏迴身定是
龍一心慷慨酬知己與王成功殉王死廐內凡材那足憐古來
烈士多如此我讀汪傳惜少圖卽今有圖馬則無驅除狐兔須
憑爾莫但龍媒紙上呼

錢穉石侍郎爲曹慕堂宗丞畫古中盤五松圖乃乙未

春盤山扈 蹕時作也宗丞令嗣定軒侍御錫齡鏡源

農部

祝辭

出以屬題爲賦三絕

若有人兮盤之中臥而散髮青濛濛與誰同話山中雪老鶴已歸雲海東

里宏韋偃祗傳聞一卷重開對夕曛蕩蕩青大捫不得聽成風雨看成雲

坐石扶藤記夙因青山猶望屬車塵根頭怕有風泉咽我亦先皇侍從臣

驛柳四首次張船山檢討韻

山郵陰過水郵晴仗雨天涯管送迎春色半江迷客夢西風一路走邊聲慣眠沙積渾忘歲纔傍人家已近城推上梢頭舊明月黃昏猶認漢時營

記別江潭絮點衣道人今又碧成圍長條似汝終防折短髮如

余尙未歸措痒儘教疲馬繫投閒爭得亂鴉飛登樓最怕迷離甚王粲於今孰可依

驟聲何止感山陽相對風流總異鄉亭埃離披鶯坐雨關河搖落鴈呼霜玉蛾空自攢離恨金縷何曾試舞場春蚓秋蛇人不識壁間題遍萬千行

直自揚州接汴州籠煙籠雨更籠愁折腰情態羞津吏過眼輪蹄認故侯無限消魂緣曉色不堪照影向河流邊笳戍角干何事譜入新詩一例秋

題李載園明府濮陽策蹇圖

并序

乾隆丁卯春載園攝清豐令奉檄調濬長垣之陶北河兩閱月竣事歸值大雨車陷泥淖中自策蹇驢短衣草笠而返至堂上隸役爭呵止之不知其爲長官也一時傳爲佳話因繪爲圖屬

余題之

長官歸來人不識草屨青衫驢得得平生慣詠灞橋詩今日圖
中乃見之高枝大葉挾風勢似有吟聲落天際館陶兩月趨治
河功成所繫民命多泥塗辛苦亦踊躍身穩不愁驢失脚踏葉
長安一夢通醒來破帽猶故吾十年已老栽花手顧影瘦于新
插柳不須奚童提錦囊胸中自有為政章鱗鱗萬屋來眼底但
見炊烟我亦喜策勳合署廬山公從渠馬耳吹東風

七月七日汪靜厓庶子

學子金

招集寓齋同效樂府體分

詠七夕故事得鵲橋

東雲西雲錦脫杼鴛鴦無語鳩鵲語平生未識牛女星苦道今
宵迎接汝啞啞拍翅飛半空紅牆隔處橋先通旌幢導引神仙
步環珮飄零下界風絲虹易散天無際脈脈相思孰能替若使

河如海可填那惜將身化精衛鵲乎鵲乎歸來乎天邊波浪無
時無聘錢十萬償難盡多事年年尾畢逋

送何蘭士侍御

道生

出守九江

使節歸來未卸裝時新自山東巡漕回又催擁傳向潯陽樓頭明月重招庾
江上青山舊姓匡一角觸邪餘繡豸十年樹木待甘棠尋詩此
去官程緩不仗神風助馬當

錢南園副使

禮

畫馬法時帆屬題

拂拭蛛絲光采溢真見麒麟壁間出風塵埋沒自何年諦視乃
識錢侯筆錢侯立朝有直聲不以一藝尋常鳴沙苑滇池眼所
熟偶然欲畫雄姿生晴如懸鈴耳批竹一匹歎沙一歎玉拳毛
不動立春風寶勒金鞍謝羈束精神愈斂意自奇俯仰落落非
求知畫肉畫骨等形耳古來有德人重之此材緩急差堪恃誰

遣丹青愁滿紙同槽蹄齧未須驚蒺藜之街吾懼矣詩龕慘淡
雲烟開招魂仿佛錢侯來回頭夕照無顏色寂寞金臺骨已灰

九月三日孫一泉孝廉

仲清

招同人遊西山

山心日在抱人事苦膠轕挂笏延朝爽徘徊企天末西來秋色
深愈碧烟一抹佳招出意外塵眼藉披豁禪棲層岫通樵路百
梯逶斜陽上巖椒遠影落松栝嫋嫋涼風生淅淅白雲活平林
葉漸脫高壠稻先割矯翅見飛禽往來就空闕行脚尙可能幽
懷寄瓶鉢

奉福寺飯畢遂上羅睺嶺

一飯得真味蔬笋無世情出門如御風冷然衣袂輕篆路休仔
細怪石攢崢嶸指摩登高眼預趁今朝晴羣峰就夕陽蒸出嵐
頭明和雲鐘響墜披草蟲語清夷險心並忘遠近態各呈珍重

兩芒屨願與謀平生無嫌石頭滑勉此第一程

暮抵潭柘寺宿

斜景在東嶺冥色生西偏荒荒草樹外裂此一綫天詭勢星緯
通變態雲霞連禪師具慧力捨宅龍公遷樓臺雄架構餘氣騰
蜿蜒倚闌高不知平視鳥人烟游心太古上結想幽州先遺碑
問僧徒但說明昌年鐘聲出殿裏微辨龕燈圓山深秋較寒怕
稅流泉眠欲破米汁戒請質彌勒前

姚少師庵

勘破西來意神機運箭鋒相猶傳病虎譙早決晉龍兵劫完天
忘禪局示佛容如聞女鬢嘗泉語激淙淙

由潭柘寺後二里抵龍潭

樹密竹欲窮溪長路頻轉一徑青蘿深人家有吠犬淙淙覓泉

響上上儼雲棧綠紫苔髮細紅帶葉光泫元氣一脉通靈根萬
支衍風水時相聲沙石互成篆力疲屢思憩亭影出高顯其下
蟄龍眠烟冥寒不淺呼童松枝拾坐待談茶薜幽潺脚下流惜
不接之筓

晚坐延清閣望對面諸山

薜蘿忽到眼秋影生裳衣羣山萬里來蒼莽烟合圍微縈飛瀑
明遠聽樵歌歸冥色起中谷返照彌依依取媚涼綠間不厭紅
葉肥何時茅屋置得脫朝籍轍高詠招隱篇素志期勿違留雲
竹中閣候月澗上扉蒲團坐忘言幽夢今宵飛

妙嚴公主禮佛輒三首

官粧卸却事精修一片陶甄跡印留猶想花龕頂禮日滿林黃
葉磬聲秋

名字不聞公主表生涯只傍梵王臺明明踏地蓮花涌證取前
身鹿女來

讀書亦有張無垢石上雙趺跡儼存笑我只圖行脚快青山一
路草鞋痕

由師子巖歷十八盤至慧聚寺

寒翠不知里磴道盤虛空人語暗相答冥踐松霧中遠近香氣
生衣裳濕濛濛千尋峭壁合一徑初陽通清鐘乍來處微露殿
角紅遺址湖遼金力挾龍象雄潑面噤石雨迎眸駭晴虹欲逞
腰脚健來御巖間風谷聲殷地底鐸響聞天東

化陽洞

日從山中游遍識山面目煙蘿若怨人空洞餘此腹陽光一迴
照鼓勇恐不速行行列炬導性命寄僮僕前人入漸深如向管

井日後者禮益恭匍匐儼蛇伏濤聲走蛟龍壙氣衝蝙蝠陰寒
火無功綠閃一星縮縱橫苔裂縫捫作仙篆讀石乳漱可能行
當此辟穀積雪深不知凍抱白雲宿

還至戒壇登千佛閣望塞上諸山

是身倏浮動透出松光寒樓臺接縹緲金碧飄雲端方袍解迓
客共踏落葉殘莊嚴佛說戒肅穆神守壇幡幢風欲來妙香發
旗檀高閣禮千佛蒼茫倚危欄斜陽明一綫遠色浮桑乾太行
所來脈髮路青鬱盤回首居庸關往時戎馬艱邊聲起草木咫尺
沙漫漫不緣歸鳥飛安知秋宇寬蟲沙彌浩劫天眼一瞬觀
懷古意無盡流泉似微歎

戒壇古松歌

萬丈濤聲接天沸半空純作蛟龍氣樓臺倒攬入奇青白日陰
森食之既一株偃蓋撐瓏玲動搖骨節能通靈一株倚石就石
勢怕耐高寒須石替作鱗之而貌更奇九龍氏乃太古時俯視
萬樹皆孫枝我來謾謾坐受松風吹冷光下壓溼不知茗椀罷
喫欲去遲但見松格落落松毛襍襍銅筋缺骨合一翠世無畢
宏章偃誰肖之碑稱寺創武德年至今千載無變遷此松定在
未有此寺日養成一抹洪濛烟轉愁雷雨生虛殿深黑潛來鬼
神戰洶洶送起壑谷呼慘慘倏令毛髮變道人已打山下鐘對
面明滅斜陽濃翻翻起舞下岬去芒角尙鬱詩人胸

度花梨坎至奉福寺宿

松杉影亂搖軟踏烟破碎屢逐徑東西幾忘山向背偶作已度
想如入化城內掩映秋樹林丹黃變明晦山深淡嗜欲蔬筍容
我輩幽泉階下出三嚙蘇病肺蒲團坐吟詩我佛笑相對

歷遊三山大悲諸刹

對面一峰立羣岫影四垂天色來遠青峭蒨發異姿烟霞迭迎
送金碧時合離高閣嵌虛空俯受飛鳥窺泠泠鐘磬音竹柏如
隔之尋徑穿窈窕一僧開戶遲涼花淨無言微動旛風吹石積
梯有漸泉虛鑑無疲得證靜者心高詠邱阿詩何由地上語步
步雲相隨

由香界寺探寶珠洞

清鐘若為招不避路犖确到門杪樞陰亭午日忘卓禪宮稱巨
構勢並霄漢擢青山壓殿脊倒畫雲一角上上及翠微林藿益
綿邈呀然山腹張捫字半苔剝奇皴裂鬼面圓頂揭龜殼微聞
石罅泉泠泠響水樂無待竹爐烹到耳醒塵渴題詩且緩吟恐
有羣鷲覺

夜宿龍泉寺

新月一眉生秋樹萬花眩清艷不可名薄暝弄奇變仰眺翠微
頂雲氣出如練其下響流泉濺沫急飛箭清寒撲衣冷抖擻入
西殿龕燈耿餘明照見古佛面幽夢落繩牀來途歷重遍習此
巖壑佳彌動禽向羨坐欲松根依宿上桑下戀

山中夜話

人生能幾度山裏聚朋歡月到助松色泉鳴生酒寒快心誇閱
歷繭足信艱難喚起蛟龍睡題詩更倚欄

盧師山尋秘魔崖

羣峰雲合杳一徑沿陂陀虛無浮履鳥踏石如踏波言登盧師
山直躡禪子窩開窗納遠青石骨交錯磨自從阿師去人世幾
刹那蜿蜒二龍子千年蟄靈渦精氣所發洩雙柏蟠蚪柯蒼然

隱巉巖勢若負荷，幽怪秘泉石。雷雨生藤蘿，平生烟霞約。何時慰盤阿，不愁山鬼戲。但懼林神訶。

摩訶菴

猶是維摩舊道場，飄蕭金碧墮蒼茫。野花幾種媚遊客，寒菜一畦荒夕陽。壁上烟雲前輩少，國初諸老多有摩訶菴看花詩堂中粥飯老僧忙。首邱肯讓貂璫占，不負當年懺法王。

題唐子畏畫像

一卷離騷讀能無，放廢嗟東風。妨芳草，老屋住桃花。身不强藩，辱名從小妓。誇虛空，留幻影。磐石此趺跏。

食菊花餅同味辛作

摘從鹿眼露猶盈，煎付牛酥味更清。自詡吾家工說餅，豈徒楚客慣餐英。圓移月影盤中墮，寒挾霜棱舌底生。此是詩人饒領。

得世間空有縮葱名

集亦有生齋分賦，飲中八仙得李白。

黃虬蔽日月，金馬潛星辰。箴規寓樂府，謠詠生宮鄰。眼看浮雲翔，夢醒長安塵。亮非恩禮疎，所感骨相屯。西陽雜俎：白令高力士脫靴及出，上謂力士曰：此人固窮相。

餘生傍魑魅，獨往驂麒麟。招來海東色，綠瀉壺中春。深心豈沉酒，真氣能彌綸。醉筆卓雲漢，芙蓉吐嶙峋。錦袍被璀璨，豈許馮夷親。浩歌歸去來，青山吾故人。

十二月十九日坡公生辰集汪靜厓芥室同用公集中

東坡八首韻

嘉蔬天所惜，胡為雜邪蒿。謾言織貝錦，軋機心勞嗟。黃州謫魂幸，湯火逃鼎實。無由充徒美，山雞膏誰知。千載名莫能損，毫毛洗盞為公壽。仰止奎垣高。

達人隨所遭俯仰心自適何用羨侯封廣種千畝粟忍飢歌哨
遍風雨一瓢乞了此春夢痕得使形骸逸流連文字緣千古同
一室如彼真一酒滋味咀乃出憂樂任其常夫子曰毋必
憶公關東坡乃在柯山背秉耒腰脚輕髮容猶未艾得閒邀野
老一席漁樵會眼看時雨過陳根已冒塊獨惜濟時心寥落江
湖外躬耕亦偶耳十畝營營蒼掃除瓦礫中栩栩然生意在惜哉
歸無田徒慕秋風膾
我友近凋喪晨星稀可數流水無和聲宛轉琴自語忽枉蓬山
翼雲烟約翩舉瓣香長帽翁傳此心一縷萬事口不挂千卷腹
能挂晨興壓新醅糟牀響疎雨圍爐聚故人芳旨雜樽管安得
歲寒盟蒞攻伯下土不朽難預期一醉公應許
能壁俯危機直下江荒荒畫圖儼在茲不待天際望一吹鷗南

飛月落烟莽蒼起視磨蝎宮
文昌千秋築詩壘降者全

牽羊何人腰笛吹附之名不

我無棟梁姿材豈中斤斲輕裝美蓑笠人頗笑愚慙一趨東華
塵如駭左車電脫衣行就功須也稼堪學飄飄膚寸雲落落返

靈嶽但得東坡耕何敢計確犖回首

雨露恩薄植叨已渥江神有責言外負山一角

吾杭食公德卽公甘棠村巋然孤山祠梅竹綠其垣遺民薦賴

藻拜跪如兒孫况余私淑者淵源託蘇門水光百東坡在在精

氣存今年長安會花豬薦盤殮明年柑酒筵誰同故鄉論西窗

剪蠟燭天未懷諸昆

黃梅散花影風味交殘年凡鉛不可燒何計營一錢我今困乏
食公亦憂無田後先六百年改物同青氈如何紗縠行墮地成

大賢峨眉在天際氣象雄萬于

胡水部永煥自號雪蕉因得元人雪蕉一幅即代寫照

屬余賦詩三首

已築巴蕉山還灑巴蕉水堅固如此身冬心常不死

披披茶扇寒曳簌簌漁蓑響聞莫把彈文相詭折腰還笑此君

一角牆陰破碎餘臨池清興問何如綠天秋老顛師去飛白重

看聖書

題趙味辛尋山卜築圖

置身能在畫圖間此願休疑造物慳鷗鳥與吾盟白水芒鞋隨

處是青山田園養志寧非樂泉石論心亦可閒岱頂只防催作

詭未教容易片雲還時味辛將少官青州故云

初拜國子監祭酒釋宋太學作二首

春風釋褐記扶搏重此承

恩報稱難半世青氈恢故物一簪白髮領儒官丹鉛撫拾槐廳

續時法時批侍讀輯愧履載筆初成

風雨摩挲獵碣看兩字人師吾豈敢諸生努力

本先端

質明行事肅趨踰松柏陰森夾兩行綿蕞習儀谿博士緇帷望

拜燥神光金絲節奏虛空合并藻馨香對越長萬古斯文同照

被自欣身近聖人傍
瑛夢禪寶畫山雨欲來風滿樓詩意吉止齋閣學論索

題

滂然雨意迷林梢雨未到處風為招風高不仗草木寫空際但

覺樓搖搖虛窗玲瓏徹八面盡吸涼入生蕭條中間慣借日雲

住到此脫走如亡逃微留墮雪閃沙鳥遠聽駕浪吟神鼈憑欄

豈無人待雨只防似葉身先飄須臾飛響勢漸急浩浩直挾青
林潮山頭宛見龍尾挂溪上已有驪珠跳句龍爽筆恣奇妙米
家墨戲安能塵禿毫皴出荷葉大白紙襯入礮頭高蘊隆蟲蟲
展且讀早有寒色堂中捎秋心容易感吾輩如絲老髮吹刁騷
分龍行五月二十日雨後集胡夢湘比部稷齋中作
雨工匠月深淵藏連腔龜坼苗欲黃阿香伐鼓急徵召驅龍容
易如驅羊神龍八部同時出濕透青冥轉蕭瑟天上方馳行雨
符人間預驗分龍日分龍蕩蕩開龍門龍氣雜沓旌旗翻之而
鱗爪攫拏快盡挾雲去隨方屯低田易潦宜微液高田苦乾須
渥澤斟酌田家辛苦心直到豐年纔卸責太倉竊粟吾已多爲
霖無具嗟奈何當筵空哆談天口舌底惟能卷白波主人置酒
期消暑酒氣氤氳濃似雨仰空一喚龍醉歸南北東西迷處所

買春吟屋消夏詠繪事得董羽出水龍圖

壞雲如山陷白日慘慘頽陰天黑漆六月人間無此寒虛堂疑
有真龍出翻銀裂素三千丈海色空中互摩盪頽洞波濤尺木
升冥濛雷雨全身上腥風倒捲水底來神光倏忽金鱗開弄珠
奇戲能教見燒尾雄心不肯灰眼看飛騰在尺咫崢嶸頭角矯
無比人言大旱年張之雲霧起半空衙衙行有聲草木青回露
霖裹一藝之精有如此莫唾神物是尊蟲畫者毘陵董啞子

漢官圖集謝薌泉儀部振定知恥齋作

靈壇夜熱神香請青鳥前頭過無影輜駟飛出紫蘭宮千門萬
戶生僊風離蹤羽蓋涼漠漠一角欄干銀漢落內人私語誰聽
之窗中盼殺偷桃兒回頭十里茂陵烟夢回衰草迷銅仙露華
替換霜華早瑤島蛾眉泣秋老

積雨三十六韻

浩浩霧迷野蓬蓬雲出門滂沱已匝月濛密又連番莫補青天
漏匪愁白日昏簷牙高瀉瀑樓角猛傾盆勢挾穉雷怒聲迴大
楊喧滿庭環積水窄徑斷窺園丁倒瓜壺架糝糊苔蘚痕蟻踰
學文字蝌蚪長兒孫書帙香芸焙衣箬石葉燔撤屏遮敗屋移
楊避頽垣大懼僑將壓頻聞蔡請藩北鄰通四壁上客杜高軒
草木腥相并江湖冥欲翻排窗駭澎湃伏枕聽潏潏此患幾沈
竈吾憂且廢殮况傳盧水决倒灌濁流渾禾黍空平野波濤失
故村壞牆連一哭破家迫羣奔遠氣魚龍混餘哀老穉吞騎危
憐孰拯陷淖亟難掀斷夢全家別孤身一息存泥沙攢死骨憐
火照生魂枉自占乾鵲何當塞土甍隄防力少縱飄泊手誰援
飢溺關民命勤劬軫

至尊恭聞

省已詔數納救時言急賑先

頒帑優蠲更

沛恩由來重社稷只在活黎元密挽蒼穹意潛疏積石源甲兵
塵淨洗懈稻種滋蕃萬派全趨壑諸軍早罷屯負塗無白蹟臥
隴有烏犍人唱歸田樂余思下澤轅江東堪問米堂北藉栽護
鐘鼓晴新報蔬鱸約勿緩好圖安輯計努力望翔鳩

六月十二日黃文節公生辰家山尊招集藤花吟舍瞻
禮遺像會者二十四人用公集中六言絕句一首分韻
賦詩余得俊字

羊腔懈胥揮不進春波一箸江珧俊辦香今日得禮公手折荷
花來問訊荷花生日公已生句裏仙風動髮鬣長楸落日試奇

步白眼風塵誤神駿松風獵獵琵琶歌夢去蓬萊飄一瞬宜州
戎州未破荒天遣詩人遭斥擯氣凌虎豹積雄厚語狎龍蛇仗
忠信石牛溪口詩舊題萬鈞可任驅何迅公面不愁俗人惱公
州自作寫真讚云頗遭俗人惱公身但惜青山殉西江鼻祖橫一枝千秋誰領詩孫
山谷詩孫印桂未谷以印即仲則者子曾為作詩藤陰清暑盛張筵泰岱長松仰千仞李睟古
畫摹本多睥貌豐容能熟認頓首頓首句共呈日歸日歸燭行
燼主人留試雙井茶綠捲微烟上涼鬢

八月二十四日 疏請養母得

旨子歸紀

恩二首

一年稠疊荷

深思

去冬蒙 恩補授侍讀旋離左右春坊庶子今年五月特陞國子監祭酒涓滴何從報

三傳敢念微躬求鷓退但思此職合心捫躊躇盧誕人師重慚

愧蕭听本務敦今日陳情

許將母春風早已到庭護

秋水帆飛去肯遲家鄉早已計歸期傳來母語貧何患感極

君恩涕不知製斐裁莎仍鷺侶撈魚劇筆即烏私循咳待說

朝廷意同炷爐香答

聖慈

石門道中

蕭蕭野水繞迴塘景物吾尤愛近鄉落日幾舟藏敗葦知風一
路看枯桑年豐早辦公家稅歲晚開塗小婦粧婚嫁朱陳容易
畢此間真合置茅堂

味莊觀察招集梅花書屋看黃梅花二首

惆悵銅街折贈時殘年重與素心期冷蜂相抱影同瘦新月乍

生香獨知客到官
酷開密窠夢回清
磬閣橫枝編衣正
怕能欺得禁架新
寒欲放遲別有真
香味外傳已交三
九小寒天南風記
送千家雨壞衲來
參五祖禪嚼蠟心
如吾輩淡塗梔栴
比內家妍一枝欲
乞西湖寄好配寒
泉薦水仙

有正味齋詩集卷十四

有正味齋詩集卷十五目錄

錢塘 吳錫麒 聖徵

吳船集

荅溪舟夜

壽李松雲前輩五十生辰

題馮鷺庭洞庭移居圖二首

感懷四首

題周端孝先生卯疏貼黃遺跡

菜花和張午橋翰林溥二首

李味莊觀察招遊上海留寓南園賦謝四首

驟雨

南園初夏作二首

消夏第一集分韻得

消夏第二集同咏夏事八首

繰絲

曬藥

造醬

賣冰

插秧

洗竹

浮瓜

折荷

消夏第三集以掬水月在手分韻得水字

詠蟬

黃浦曲二首

消夏第四集分得詠史樂府四首

擊憤墜

夫人城

令公來

壤白麻

京口值雨

渡江

揚州晤曾賓谷都轉以所著買春書屋詩集見示賦此

奉贈

江孟卿招飲淨香園三首

邗溝王廟二十韻

過尤水村新居

夜飲童氏園

八月十八日味莊觀察招集丹鳳樓觀潮卽次其韻
海上卽事四首

秋日南園雜詠八首

雨後康起山孝廉體見過留飲桂樹下

廣富林拜陳卧子先生墓

題巖香府鍾山水畫冊三首

家星槎河招集吾園看芙蓉

今年連舉三孫詩以志喜

渡黃浦

晚泊

詠醉蟹

朱縵園中翰文濕招集映桂堂同賦寒事八首

踏雪

探梅

曝芹

圍鑪

釀酒

煎羔

擁被

縫裘

聞秦蜀羣盜盪平志喜四首

梅信

哭張警堂觀察

銘

大風渡黃浦

雪

橫渡舟中望霽雪

行七寶泗涇間村落清閒風景可愛

哭鮑雅堂戶部二首

雨中味莊招集吾園

西漢定陶恭王陵鼎歌阮芸臺中丞元屬賦

送陳熟齋參戎廣寧之任閩中三首

有正味齋詩集卷十五

錢塘 吳錫麒 聖徵

吳船集

茗溪舟夜

篷底裏衾坐梅花送此寒不知明月上只在白雲端魚亦波心舞琴如海上彈水晶宮許到還對水晶盤

壽李松雲前輩五十生辰

要共桃花醉一觴玉堂不戀况黃堂未凋綠髮功名早能住青山歲月長春滿南陔長香草人來東海說甘棠笑余亦得歸身乞負米徒誇腰腳強

高論如聞海上琴今人顏色古人心名花闌檻栽培盛老樹風烟閱歷深詩札寄應煩日下酒船來恰自山陰祝君唯有千秋

在名字先傳著作林

題馮鷺庭洞庭移居圖二首

鷺庭貴園於洞庭山中適得沈南疑洞庭移居圖即以自代寫題焉余類之

笠澤著書好鴛湖打槳通春波魚擲白秋樹橘園紅後約期雲

裏前身已畫中移家何日去先合製漁篷
今昔人俱勝東西峰亦連百年森樹木一紙賺雲烟但使身能
乞何妨鶴共眠楊梅遠相餉算費沈郎錢

感懷四首

洗兵何日倒天瓢夜望樓槍氣未消江漢軍聲堅四壁風烟路
勢走中條祇今殘局猶煩算在昔微熒本易澆玉靶雕弓金勒
馬誰憐上客已頭焦

年烽火接蠻程六載潢池敢盜兵石變劫灰猶鐵色馬敲瘦
骨已銅聲豈容螻蟻常屯結莫倚荏苒作重輕太息征輪前度

竭風雲愁護水西營

撫勒全勞

宵旰謀頻傳

恩詔下西州除凶原為安黔首作賊寧能到白頭滾滾蟲沙隋
巨浪蕭蕭豺虎出高秋羣公地位皆韓范肝膽何時

聖主酬

東風合眼想觚棱願祝春臺舉世登饒曲有情催酒琖戰場無
夢到書燈禍深已信天心悔亂定尤須徃事懲此後長官須發
力好添臺笠補荒滕

題周端孝先生血疏貼黃遺跡

疏凡百四十四字係端孝刺指血書者其中有鼎湖勸進四字姚文毅公

恐其觸犯忌諱端孝因復刺舌血書成上之而此稿遂傳于世云

南八指常山舌千古淋漓血不滅臣忠子孝何分別同是心頭

一腔熱此疏乃出端孝遺籟天會荷天鑒之腥雲漉漉紙上起
想見一燈慘淡搖毫時嗚呼羣闈柄政陰疑陽乾坤閉塞迷元
黃一良一網幾打盡化碧豈少人間藏扶桑日出冰山倒不殺
仇人心未了指枯舌爛捫有稜十三行賸鋤姦草丈夫血性人
盡同論其大者孝與忠其餘義烈皆可風君不見一棹吳閭東
去路五人墓上草心紅

菜花和張午橋翰林薄二首

榆莢飄殘柳絮忙野人猶自戀春光行經幾折村落遠看到此
花滋味長爛熳何心鬪紅紫高低隨意簇青黃分明十幅袈裟
地界就金繩作道場

人來隴外已蜂聲別有真香遠更清田水四圍謀野醉夕陽一
色畫春晴乍舒柔眼迷迷接罷摘薑心續續生計日三車催小

滿油花預夢卜收成

李味莊觀察招游上海留寓南園賦謝四首

春風重與故人期便許名園借一枝到處垂楊青眼在有情流
水古琴知雪消滬瀆留泥爪塵洗京華賸鬢絲多少朋交思廣
廈可能同入杜陵詩

魚書未報庾安西牛炙先邀王會稽二月來爲迎社燕三更起
聽應潮雞照人肝膽餘書劔憂國心情念鼓鼙此是江南財賦
地感君用意在羣黎

樓閣虛空雲與平置身如在玉壺清巖花得氣齊當戶海雨隨
風易入城壇禮七星鐘欲墮步邀三弄笛先橫多勞下榻殷勤
甚愧我難叨孺子名

何限關河閱歷頻海濱翻遣息勞薪已能世上知棋局漸怕尊

前喚酒人救水經營游子苦詩書嗜好長官貧只餘意態狂猶
昔待賭新詩餞好春

驟雨

能為催詩至繁聲不厭多綠先池面破涼在樹頭過負屋蝸行
壁爬沙蠅出窩清詩須宛轉莫唱打新荷

南園初夏作二首

苔徑無人行琴臥斜陽清水紋搖似篆丁子尾初生
林間脫箬笋渚裏破毛禽著箇老夫坐南風看綠陰

消夏第一集分韻得寒字

羈心倦鬱暑遠夢凌飛翰清風來故人踐此池上歡斜陽樹頂
沒衆綠橫一欄欄外石約通俯聽鳴幽滿淅淅潮暗生中挾海
氣寒揚鬢信魚樂所託游泳寬人生知音感亦在流水彈壺觴

合契易金石敦好難願申君子情不厭燭屢殘暝色波面動竹
柏如有瀾相思明月照常佇碧雲端

消夏第二集同咏夏事八首

繰絲

馬頭神賽罷煮繭香風吹宛轉翠釜中雙筯交絡之長短出織
手控引繰車隨綠陰日停午沙沙雨鳴時轉眼光明生圓旋
雪一飾昔嗟二月賣剝肉瘡莫醫今喜催科息嫁衣行可治願
作同功綿毋學寡女絲

曬藥

我懲三年艾預蓄百金藥未暇服餌充輒恐蟲蠹託晨曦展靈
根傾筐就照灼回此山中春氤氳動雲脚斜光簷乍收香氣庭
猶掠甘苦藉咬咀刀圭費斟酌呼禽掃更清遣婢丸不惡大還

無外求紅霞口中嚼

造醬

食醬職不脩方法廢百醬近合豆麥為蒸若餅餌狀采綠葉薦
筐齊黃草施障變化七日成壞色精醞釀瓦瓮備分儲鹽水各
稱量曝日喜有功聞雷幸無恙涼並梅諸登甜雜瓜脯餉覆瓿
吾已甘吟成莫惆悵

賣冰

前身本流水為山倏峻嶒如何附熱人至此思倚冰頗憶長安
陌銅蓋敲相磨江南四五月亦共鱗魚登今年苦溽暑入市價
更增誰持心一片照我清不勝潔白壺剖玉晶芒鑑搖菱卽境
感屏謝無庸賦青蠅

插秧

黃梅雨新足田水聲浪浪連翻木駃騠來往泥塗忙栽鋤郎背
笠分把妾扱裳與郎遮拋接辛苦力各當朝來綺郵間森森自
成行教兒當在孩養苗富在秧蒙泉滋灌溉除去莠與稂南風
吹幾日蟬鳴稻花香

洗竹

入耳簾響微老笋已成竹幽人讀書處綠雲遮滿屋竊喜繁新
陰亦賴其冗復攘之復剔之長日課童僕一洗此君塵清風生
面目宛彼嬋娟姿濯濯出新沐雷霆龍角奮霄漢風稍轟飄然
月到廊和影媚幽獨

浮瓜

綠沉名久擅陶暑浮獨誇冷浸一團月漾漾搖井華陰陽妙凝
結元胎雜冰霞客來故事徵決戰如關茶金刀纔欲剖清風津

百味齋 卷之三

四

齒牙頗憶南皮會誰知
政侯家青苔上玉玳寒
夏迷蓬麻富貴亦何好
吾將終灌瓜

折荷

驟雨萬珠瀉歌聞打新
荷葉葉香勝花朵采船
如梭十頃涼雲間扇影
搖青羅牽袖憂絲長觸
手防刺多涉江日云暮
夫君望如何無光照顏色
持底作鏡磨世說江從簡朝何敬容云秋持荷作鏡荷暗本無光我喜衣可製
臨風舞婆娑勸君碧筒飲
催卷舌底波

消夏第三集以掬水月在手分韻得水字

荔處船到炎風起我正涼
堂夢秋水使君愛賦銷夏
詩招客同尋斜照裏百年
喬木閱羈人一徑青苔通
步屣林亭位置良不俗潤
色終須文字美旌旗掩映
在藤蘿早有清光巖壑被
前宵月在池上約今夕來
應月先喜當筵滅燭回生
輝出海蟾般盪

霞綺樹梢水活濕流螢波
面珠馳躍驚鯉金尊漱灑
不辭滿醉聳吟肩嚼宮徵
善然霹靂琵琶鳴拉雜何
從辨絃指舊事南皮香莫
追即今高會誰能比通賓
那數鄭當時下榻慚徐孺
子蒹蘆蕭瑟隔烟波頗借
餘光照千里三間茅屋歸
倘營松菊尚煩君料理時味莊為余味遺草堂效及之

詠蟬

爾亦苦吟者淒淒劇可憐
仙難成悅後鬢已老秋前
不斷關山道相逢風露天
柴門誰倚杖入聽獨悠然

黃浦曲二首

朝發吳淞口暮宿黃浦江
不戀鱸魚美只羨鯉魚雙
耶如阿那帆儂似鐵鹿子
留郎明日行怕有風波起

消夏第四集分得咏史樂府四首

擊憤墜

滿腹精神錢世儀奈何燃犀照不知擊憤一墜空爾為蓮華生
白犬下可兒可兒亦長夜絳囊傳紛有歇時爾憤安能復戴之

夫人城

朱旗前繡繖後誰履城刺史母刺史著威名阿母有賢聲築城
如鏡敵膽驚爾堅爾堅石打破打不破夫人城

令公來

營門開令公來令公一見虜意摧帳中密誓一杯酒十萬吐蕃
曳兵走人生仗忠信利害安足論不見家僮落落到寺門流涕
更有魚朝恩

壞白麻

裴延齡姦且邪脫相延齡壞白麻延齡不相城已貶諫議之名

名不忝明年愈亦貶陽山鳳凰墮地虎守關延英空見武人拜
天吝太平言者戒白麻未壞國事壞

京口值雨

穢車滄溟沸水邦遠雜歌哭聲喧嗷幼穉欲焦老無色其雨其
雨心焉懣雷君出裝今日早火繖先快炎官降卸帆却好到京
口山樓急杵僧鐘撞前雲白過後雲黑一條龍氣生空江葭蘆
夾岸動幽聽有滄已送涼淙淙忽翻匹練瀉清快下激風浪鳴
錚從烟霏霧捲不收拾溝壑四注如奔龍千疇轉眼同一碧生
意奏入詩人腔因得魚百錢買煮配下箸浮秋鉅金焦闐然
出新沐屢回青眼窺篷窗蓬頭跣足醜莫笑有田便欲從耕耜
夜尋清夢趁潮去瓜州燈火嗥羣尤

渡江

擊楫平生數往還此行難得一身閒詩心清過中冷水畫本濃
于小李山鐘磬聲飄雲木外魚龍氣涌浪花間無田且喜歸來
早不怕江神笑我頑

揚州晤曾賓谷都轉以所著買春書屋詩集見示賦此

奉贈

秋風木葉飛涼帶遠人至竹西今寂莫荒亭歇歇吹曾侯敦古
歡迎客肯倒屣胸中靜琴張無絃有妙理爲我彈高山淵乎邱
壑遠平生李杜心嵩華在夢寐天姿出峭嶠風骨挾雄異蟲鳥
聲不聞竹柏自相媚十年爲政成策勳到文字紅橋藕花明蜀
岡松影翠暇日賓從招來替此翁醉平視隔江山落落只詩意

花裏搖來載酒船涼堂拂拭爲開筵闌干舊是吟詩倚月冷雲

荒又幾年

樹自清蒼水自流湘簾無復上銀鈎風標公子來何意添寫白

荷花畔秋

星星螢火照歸樵歌吹於今也寂寥一醉菰盧重又到酒人差

不負紅橋

邦溝王廟二十韻

梧桐秋雨歇遺廟訪城隈淮水三洲接韓江一道開販醴高艦
聚轉潛疾帆催美矣崇明祀君哉信霸才決排留後驗疏鑿出
新裁末口今臨眺餘皇此溯洄行軍耀茶火伏莽走蛇虺烏喙
山頭返鳴夷江上哀豈防終負負毋乃太恢恢歃血雄牛耳捧
心甘鳩媒百牢徵未已九術餌寧猜彼計麻先種吾憂賴可材
夢隨流水去寒逐好冠來身世蟬吟樹光陰鹿上臺黃絲聽曲

換白馬看潮回故冢遙迷草殘碑細剔苔隸將召伯比靈合憤
王陪賽社錢飛紙迎神鼓奏雷魚鹽同乞利解稻藉穰災滿酌
寒泉好休勞薦越醅豈也然貧賈世以天刑刑通血氣中耳
然未過尤水村新居北園西行草堂又天裝表批頭為
如入蒼葭裏伊人幸許華詩新編塞上特以所出酒未斷山陰脩
竹並高致涼花多淨心相看同白髮不覺坐談深酒未斷山陰脩
破屋玉川子移居誰寫之書經幾牛汗牀用一龜支習靜聊耽
佛養疴休謁醫漸余觸塵熱還覓草堂資

夜飲童氏園

各有詩心到酒邊園林霽色夕逾鮮葉纒脫樹月流地秋欲浸
八河在天乍會客偏如鷺熟半酣吾擬就鷗眠涉江明日舊世
去回首蒹葭思渺然

八月十八日味莊觀祭招集丹鳳樓觀潮卽次其韻

城頭百雉折雲迴縹緲身如到帝臺水近窗收秋氣入潮生樹
合雨聲來新詩健過錢塘弩明月邀之太白杯一曲霓裳重又
聽故應巖桂早催開時聽經南村鼓琴
奏望江天之曲

海上卽事四首

無復樓船到海邊驚心瀕洞起風烟憑依島嶼吟山鬼出沒波
濤學水仙鬣扇棱棱搖毒尾魚燈閃閃吐饑涎包容縱說圓瀛
大莫任牙鬚長養全

囊中何異聚醯雞霧眼偏教五里迷闕闐地容秦謀隱江湖人
慣盜糧齋將軍自袖屠鯨手長史誰燃照怪犀一笑徙薪徒早
計常談合受老生詆

蒼茫咫尺接戈矛草木餘声颯颯秋不信水流能到岸但言風

引自回舟輸琛底事誇龍戶
噓氣先教駭蜃樓
我是錢塘江上客
王思鐵弩射潮頭

陰火交連巨礮紅
纔收劫殺已枰空
亡羊辛苦防歧路
賣犢蒼黃贖義公
一錯不須慚鑄鐵
此時未可議藏弓
昆明水戰千秋事
長望旌旗在眼中

秋日南園雜詠八首

細水通潮沙岸侵
青苔及榻暮涼深
小樓對面鬢鬢樹
風雨昨宵同我吟

客去殘棋賸石枰
香爐灰陷篆難成
涼蟲如雨門初閉
茶夢黃葵花底生

爬沙古調江上秋
十六輩來供拍浮
茅屋酒旗是儂語
不堪制草內黃侯

倚遍闌干水欲風
黃昏吹散霧濛濛
柳陰明處無多地
月在波行魚在空

酒間得月三人共
竹所留雲一鶴眠
正寂寥時鄉思動
落潮水口有歸船

木棉濶布亦蒙茸
寄與天涯好禦冬
昨夜早寒差慰藉
四婆裙子正新縫

苔闌虛掩晚鐘前
草屨潛行落葉邊
秋雨滿林須把滑
老夫新會石頭禪

幾日鱸魚得飽餐
天邊一雁已催寒
薊門斜照依然在
秋色今年海上看

雨後康起山孝廉卷見過留飲桂樹下

意外得新霽
屐聲來故人
苔分秋一席
樹現佛全身
影納池光

白香攬酒味醇淮南小山在仙侶許相親

廣富林拜陳臥子先生墓

遺編風雨最悽神閱過壬申已甲申勁草百年留故隴止聲一
代殿詩人國蕩僅不衣冠葬祠祭重煩乳豆陳
聖世褒忠原曠典感

恩地下泣孤臣

題嚴香府山水畫冊三首

澗曲林長往復迴纔過小雨漸烟開秋陰一片難收拾吹入青

山影裏來

板橋平壓斷溪橫矮塔斜銜夕照明定有幽人看竹去一條莎

路草鞋聲

遠景江南得飽看禮摹北苑辨應難蒼頭山下牛毛樹著墨無

多秋欲寒

家星槎河招集吾園看芙蓉

脂粉翻嫌畫牡丹一般骨相耐清寒酒人同對斜陽好秋色須
沿淥水看雁候蛩餘思命艇楓邊菊外幾
凭欄徐熙小筆今朝
見十里西風放鴨灘

今年連舉三孫詩以志喜

十年前已作家公喜見三枝茁又同銅鑷此生羞拔白酒缸他
日費纏紅不知藏硯傳誰好但願能文比我工自幸北堂猶健
飯萊衣待率舞春風

渡黃浦

奔濤直走海門東披豁風烟望眼通網罟當門村近水魚龍同
穴地浮空蒼茫遠景移三島明滅孤雲送一篷只我驚心波未

定江豚又拜浪花中

晚泊

落日蕭蕭平楚間待潮隨意泊前灣
風吹竹葉似流水雲壓樹梢成
壤山沙嶼捕餘虛穴在木絲採後斷
腔閒春申往事誰憑弔烟際如聞珠履還

詠醉蟹

開爐酒事與閉戶食經輯水族無恩加糟邱
有波及密籠雙螯撐寒蒲幾輩束琴方輟我彈甕
乃請君八飄警茶夢回橫行醉鄉集皂莢薦青腔
辛椒糝丹粒沉涵忘三緘曹騰縱一吸澆腸
易申通軟脚尚僵立詎樂飲亡何且免煎太急
臍肥飽黃封袍淺謝紅褶長卿渴既消介士威
早戢滅燭防羞明膏泥甘伏蟄逝同醞雞遊終
等枯魚泣所喜客乍過無虞鮮不給風帘十千

活雪屋三九葺新香外骨披舊例左手執
佐宜霜齋清捕記露草濕稻梁感江湖
葭茨慕囊笠看燈期漸近洗手方預習
願破太常齋持來就米汁

未縵園中翰文煜招集映桂堂同賦寒事八首

踏雪

不用租驢券衝寒任意行酒燈雙展輾樵路
四山明去約探梅侶來尋折竹聲前村繫
船處記有板橋橫

探梅

昨日山僧報一枝深雪開暝穿松樹去香
透竹光來殘月闌孤嶼寒烟破米堆啁
嘈聞翠羽猶自隔林隈

曝背

愛爾負暄者茅檐幾輩從破寒忘蛭縮
顧影覺龍鍾半晌黃綿

擁一天白醉濃脫衣還擇衾無事怨衰慵

圍爐

紙閣共招尋不知雪已深畫灰前日向送炭故人心匝匝談何密回環酒共斟十年嗟負負芋火夢禪林

釀酒

疎雨糟牀落鄰家正撒務排年逼婪尾縮水重生頭此味多醇厚吾生慣拍浮策勳風雪裏合拜醉鄉侯

包羔

老饕貪一飽細肋劇堪憐配以躋堂酒分來祀竈筵蹴疏防舊夢熟胛感殘年為笑陶家味須商雪水煎

擁被

一夢蘆花醒綿綿味尚酣温磨同睡鴨纏裹笑眠蠶官

擁吾能敗絮甘山童榻前報曉日已竿三

縫裘

質庫年年去重逢冰雪中幾絲新補綴一領舊蒙戎只合葺為伴還隨酒策功 鑿坡退食處記表大夫風

聞秦蜀羣盜盪平志喜四首

問說機槍掃應寬

勲 聖主憂凱歌喧日下吉語送年頭此戰誰強敵諸君已列侯策

當代厚肝膽幾生酬

禍患天心轉痾瘥

帝念頻可憐皆赤子何忍說黃巾網已開三面于猶舞七旬只應稂莠薙耕鑿息吾民

羣山圍莽莽萬骨此中枯鼓角無聲響蟲沙有嘯呼空歸都護
馬頻恤羽林孤魂魄今應慰 彤墀早獻俘
幾載勞師旅回頭心尚寒書生無上策長吏要清官從此謀生
息惟應計治安履霜曾有戒小醜莫輕看

梅信

十日東風凍欲消漸催春意上花梢黃昏破曉生初白水墨和
烟畫數椒索笑茅檐猶落落籠香竹樹不蕭蕭青山舊約今須
踐準擬擇船趁早潮

哭張警堂觀察

銘

忍教前事付蒼茫絲竹依然此講堂搔髯不禁吳髮短談經爭
羨賈頭長功名夢已黃梁熟弟子情難絳帳忘柳影花香俱可
惜重來何處醉斜陽

大風渡黃浦

驚濤撼地軸逆浪爭海門風色白一片中雜魚龍渾浩浩搏沙
石渾渾失朝昏雷雨生虛空安聞人語喧舟師貪利涉蒲帆去
如奔熟習耳目慣冥守神明存稍稍漁路通水口已見村餘威
警草木小住淒心魂濁醪須滿酌行沽叩柴門

雪

飄瞥轉斜光東風勢更强寒姿出清峭曠徑入微茫差喜竹無
恙似聞梅有香米堆山正好去去覓輕航

橫渡舟中望霽雪

野氣寒欲流微陽泣竹柏遙知殘雪晴已沾春水碧乘潮舟去
駛明滅映葭席行雲脫輕素飛羽搖片白畫本擅人工此段遺
刻畫奇懷苦孰冷生理趨及澤暍暖動人烟氤氳浮宿麥相思

剡溪隱一徑玉烟積窺篷新月生賴慰梅花少

行七寶泗溼間村落清閒風景可愛

蒨茨屢回首雞犬若可親迎路相問答半是漁樵人竹色通一橋曖然烟自春纔逢梅花落已見芳艸新殷勤瓦盆酌鄭重禮意申翁堪號足穀兒豈慚負薪二月冰既泮婚嫁行及辰勿學城中眉慎守樸與醇

哭鮑雅堂戶部二首

飛騰意氣盛詞場蓬島船回路渺茫惘惘送人多作郡蕭蕭垂老尙爲郎紅衣關塞詩心大白髮江湖酒夢長惆悵戴公山下路不會蘿帶換歸裝

孟公樽俎不能閒交遍名流四海間宿草幾人澆白酒舊遊如夢剩青山可煩賢妹書重續但有佳兒命不慳一笑盧空等游

感郎當莫悔此身頑

雨中味莊招集吾園

借得名園折簡招迷人烟雨畫難描到門春水綠王岸夾路野花紅過橋苦累半生營仕宦閒偷一局混漁樵分明櫻笋江南味說到家山夢轉遙

西漢定陶恭王陵鼎歌阮芸臺中丞元屬賦

霹靂夜逐妖狐起野壙中穿電光紫故鼎陵荒出定陶遺銘地古稱汧水汧水喻麋壤本通其厨當日隸扶風蒼苔不蝕千年字野火能堅百鍊銅三環兩耳攢三足一斗能容受之腹歆雲寶氣涌純青漬雨銅花裏寒綠我聞恭王材藝最承恩頌我幾移神器尊纔伏青蒲全太子誰招飛燕啄王孫龍墀一夕尊新主天子兒爲天子父樂府登歌寢廟增祠官上祭原陵補范金

爲鼎禮亦宜洪爐鼓鑄驅風師芒搖星斗昆吾冶冥合雲雷
賤壞祠私親一例染盛薦衮衣會拜共皇殿香火難教後代延
波濤易嚼前和見卽如九廟鼎孰陳赭鞭不管神靈暝銅仙掩泣
歌辭漢金匱行封頌美新寶衣零落飛灰冷鬼唱秋墳過無影
陰房但作鎮山傳異代誰知覆餗警仙館琅嬛幸許登風塵賞
識荷中丞短長度用盧儻尺波磔窺從雁足錄一經歐趙親評
後光怪時時生戶牖定知寶物鬼神呵要付花宮龍象守清歌
唱到渡江雲故鼎譙門若喚羣文字三生謀作合烟山一席許
平分松寥去去輕舸泛海家歡迎響清楚坡老眞同玉帶留辨
才豈怕蘭亭賺從來好事足流傳考訂休疑累後賢老鶴亦知
銘字古月明自守墓門眠

送陳默齋參戎廣寧之任閩中三首

請纓早歲奮雄姿拂拭龍泉又幾時橫海新聲馳上將羽林舊
隸感孤兒一天梅雨催行李萬樹榕陰導鼓旗珍重詩書敦夙
好兇虺畢竟仗毛錐

尉遲杯罷唱驪駒眼望滄瀛慷慨俱兵氣已聞消楚蜀鯨牙豈
許鬪孫盧燈呼帳底煩飛檄風涌潮頭待控弧勲業請看青鏡
裏當年曾是一臞儒

三山迢遞去停驂燕寢香凝拓戟談爭得詩如玳柱俊說來士
比荔枝甘甲兵吾輩胸須富忠孝君家字不慙
聖主用才多破格卽看豹變蔚東南

